

QVÆSTIO MEDICA

QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM; DIE VIGESIMA SEPTIMA FEBRVARII

M. NICOLAO LANGLOYS Doctore Medico Moderatore.

An temperamentum quarti Climatidis optimum?

767

Mand. up. 1. 27.



CÆLVM & elementa Mundum absolunt; ex his sunt mixta triplici compositione, elementari, similari, & dissimilari. Illud cunctorum generationi præest, efficitque omnia, non substantiali principio, sed accidentali, motu puta, qui tam varius est, quam multiplex cælestis ætus, transuersus, trepidationis, ex aduerso, à latere, secundum longitudinem, secundum latitudinem, omnes necessarii sunt. Vtuntur recto ad mensuram cæterorum; hic mutationis, nec remissionis, nec velocioris; alij difformes, nec tam breui spatio finiuntur. rectus seu primi motoris perennitatis rerum causa est, obliquus mutationis: hæc in vniuersum generationis corruptione completur: vtramque sol accessu & recessu perficit, cæteri Planetæ iuuant; mutatio hæc non in cælo quod incorruptibile est, sed in terra fit, quam sol vel rectis vel obliquis radijs illustrat, rectos sentit tum Equatoris, tum quæ inter vtrumque Polum iacet plaga, obliqui à Tropici ad Polum vtrumque pertingunt: hinc Zonas sinxere Astronõmi, varias obæctum & recessum solis, habitabiles duas sine temperatas, torridam vnam, frigidissimas duas, in quibus miserè homines degunt. Sed à Climata dedere, quorum cognitio Medicis necessaria. Septem cum antiquis statuimus, tu petito discrimen illorum à Solis calore, motuque. Primum est feruentissimum, secundum & tertium minus calida, septimum frigidissimum, sextum & quintum calidiora, quartum vtrumque extremi particeps optimum & temperatissimum habeto.



T anni tempora, sic hominum temperies à Sole sunt. Sub Equatore, bis Veris Æstas redit; sub Tropici longissima Æstas, brevis Hyems: secundo & tertio Climate, Æstas longa; nobis, cæterisque Borealibus Æstas brevis & Canicularis. Hyems quò plus ad Polum recedes, eò longior. Quarto Climate Ver, Æstas, Autumnus, Hyems, omnia temperata; ipsa etiam hominum temperies naturam Climatidis seruat retinetque. Viuent quidem omne calidum humidum est; attamen Illyrij, Sarmatæ, Germani, Poloni, Moscovitæ, Angli, Scoti, Galli, frigidiores sunt Indis, Æthiopiis, Ægyptijs, Africis, cæterisque qui tum Equatoris, tum vniuersus Tropici & secundi tertii Climate plagam incolunt. Quarto Climate temperiem habent optimam, non ad pondus quidem illam, quæ dari non potest, sed ad iusticiam & commensuratum ad actiones humanæ speciei debitas præclare obeundas. Nullum genus, nulla species, nullum individuum simile vquam alteri temperamentum habuit: attamen quarti Climatidis homines plus inter se temperamento similes sunt, quam sint inter se cæterorum Climatidis incolæ. Cæli medium Equator tenet. Illum Sol bis in anno confecit, fitque tunc diei noctis æqualis, sed non vbique par temperies, suam semper crâsim retinente quarto Climate, sub quo sedet Cnidius, Cous, Rhodius, in quibus tam rectè quarti Climatidis medium statuimus, quam rectè in eodem humani temperamenti medium assignamus.



NULLVM signum est quo mentis habitus detegat, pauca & incerta quibus ingenium, plurima quibus sanitatem & temperamentum agnoscat; illa à actionum naturalium vitalium & animalium integritate subsistit, sedem habet in similari parte vel dissimilari, quodammodo in spiritibus, nusquam in humoribus: qualitas est cui contrarius morbus; virtus est quædam corporis, quæ vel naturaliter siccitate, affiduo triplicis substantiæ effluxu & excrementorum euentu euascent, vel violenter, casu, contusione, cæterisque pathematis naturæ insensibilis perit. Data quidem est omnibus ad vitam, assidue diuersa, perfectam ille, alius perfectior, tunc perfectissima obtinuit: præstantissima sanitatis causa perfectissimum temperamentum est, cuius explorator tactus est primus & fidissimus; attamen cum multiplex sit temperamentum, mixti, viuentis, influens, innatum, potentiale, actuale, per tactum viuentium temperamenti cognitionem assequimur, cætera experimento & ratione colligimus: quoniam biliosi, melancholici, pituitosi & sanguinei temperamenti rationem eruimus ab habitu, colore & conformatione corporis, pilo, actionibus, ætate & regione. An puer iuvene calidior? Ver temperatior? Pueri plus ad Orientali & Veris, iuvenes plus ad Æstatis & Meridionalium naturæ accedunt. Ætas consistentiæ temperata est, nec nisi cum declinat Occidentis Autumnusque vitiorum particeps; hinc frigidissima senectus velut Polaris regio & Hyems. Interim obserua temperamenti optimi signa esse commoderationem in caliditate, frigiditate, siccitate, mediocritatem partium in quantitate, numero, figura, situ, mollitie & duritie, leuitate & hirsutitie, denique actionum integritatem & colorem optimum, quibus adde pulchritudinem, non fucatam illam, sed quæ ex apta membrorum conformatione confurgit.



OMINES primò Boreali Polo Scythæ sunt, proceri, molles, crassi, limidi, mollis planis, flauis, pectore ventreeque glabris, humidissimi & breuissimæ vitæ: ab his Moscovitæ, Angli, Scoti, Germani, Poloni, candidi, pingues, sufflato pilo, citò canescunt. Romani, Veneti, cerebro sunt maxime excrementitio; cæteri ad quartum Climate, Galli præsertim, fortes sunt, magnanimi, bellicosi, in ijs vigere incipit & diffundi vitalis calor, ex quo puerilis sanguinis, plus rosei coloris, plus sensum, plus ingenij, plus in conformatione corporis industrieprehendens; non tamen perfectissimum temperamentum; à quo longius absumus, quò quarto climati vicinior sumus. Afrorum omnium cutis vitæ, siccata, dura, color faciei subfuscus, pili nigri, thorax hispidus, mores tyrannici, corpus macilentum, atrabiliarium, inæqualis vita, Numidarum longa, Libyæ breuior, Nigritarum breuissima: iam Ægyptiorum crispæ capilli, membra distorta, pectus eminens, læse conformationis indicia sunt. Vbiq; monstrum in Africa. Singulare illud quod sub humana specie offenditur, Pygmæi, quibus nec hominis temperamentum, nec anima, nec intellectus. Alexandrini vt commodiore aëre fruuntur, sic temperatiore crâsi gaudent; vitæ, animique actiones absolute perfici dicemus, nisi qui illos adhuc à proximitate Tropici feruor incendit, quodammodo impedit.



EQUATORIS plaga veteribus incognita, iam à nonnullis colitur, sed optose: vita quidem calore constat, sed mediocri, non intenso, qualem illic radiorum directione, propinquitate & morâ sentiunt Æthiopes, quibus tam prauus animus, quam deformis corporis, pili habent fragiles, caput nauiculare, cætera minus bene conformata. Vnicus ergo tum ad vitæ, tum ad animæ actiones perfecte obeundas, optabilis tractus quarti Climatidis, in quo homines iuste magnitudinis, calidi & humidi, figura capitis concinnâ, capillis dum nascuntur subruis, mox subflauis & tandem vbi adoleuerint omnimodè flauis, & extremitatibus crispis, amunes à caluitio, color illis generâ rubeus, cætero corpore candidus, visus sensum eximia, mores viriani, venæ sanguinis plenæ, liberæ arteriæ, facilis anhelitus, sub molli cute insignes musculi, à quibus humani corporis habitum repeto, quem nec in istis hominibus crassum, nec tenuem offendes, sed inter vtrumque medium, alius illis lubrica, & excrementorum impatiens corpus, sanitas exquisita, morbi, si prospiciant, pauci & rari; plures ex his mortem & expectant & expectantur naturalem. Fortunati eiusce Climatidis incolæ, sunt Cous, Rhodius, Cnidius, Adianus, temperamento, actionibus, vita longa, corpore, animo, terra, cælo, aëre, ventis, iuuentute, senectute, omni ex parte beati.

Ergo temperamentum quarti Climatidis optimum. 209.

Proponebat Lutetiæ GERMANVS PREAUX Parisiensis. A. R. S. H. M. D. C. XXXI.

DOMINI DOCTORES DISPVATVRI.

M. Anselmus Biquet. M. R.
M. Gilbertus Puyllon.
M. Victor Pallu.

M. Dionysius Bassin.
M. Ioannes Bont.
M. Ioannes Complanville.

M. Ioannes Cousin.
M. Ioannes Pietre.
M. Philbertus Guiberr.

